

二賀引野婆轉^{二合}賀引薩哩轉^{二合}迦哩摩
合毗始訖多^{二合}野婆轉^{二合}賀引薩哩轉
^(二)合沒駄毗僧婆訖哩^{二合}多引野婆轉^{二合}賀

引曇迦室凌^{二合}誠引野婆轉^{二合}賀部多^{二合}引
野婆轉^{二合}賀引阿部多引野婆轉^{二合}賀
引薩哩轉^{二合}訖契波舍摩引野婆轉^{二合}賀

余時文殊師利菩薩說此聖最勝陀羅尼已
告苾芻言汝等依此正法儀則每日志誠發
清淨心供七比丘供養三寶及諸賢聖於初
夜分作護摩燃火能除災患速得消散若有
善男子善女人於此正法受持讀誦廣爲人
說一切諸病皆得除愈

復次文殊師利菩薩告苾芻言汝今諦聽此
聖最勝陀羅尼有大明力廣利衆生於閻浮
提所有國界城邑聚落處流轉令諸衆生
聽聞受持若善男子善女人能於此經讀誦
一徧自身病苦速得除愈若讀兩徧妻子男
女所有病苦悉得除愈若讀三徧一切眷屬

所有病苦悉得除愈若讀四徧一國人民所
有病苦悉得除愈若讀五徧王之封境諸小
國土一切人民皆獲安樂無諸疾病

復次文殊師利菩薩言今此正法利益廣大
甚爲希有速爲流傳令諸有情獲上功德若
於此經心生輕慢不爲受持讀誦不爲人演
說流傳國界之內一切衆生如不得聽聞者

被人獲過如五逆罪是故苾芻於聖最勝陀
羅尼信敬受持無令忘失彼須彌山王一面
住者天及阿脩羅乾闥婆等我自調伏使閻
浮提衆生獲大安樂

時文殊師利說是法已忽然不現轉野佉曩

兵九

苾芻聞其所說心大歡喜信受奉行

四

之

佛說聖最勝陀羅尼經

佛說五十頌聖般若波羅蜜經

三藏大師施護奉 詔譯

如是我聞一時佛在王舍城鷲峯山中與大

苾芻衆千二百五十人俱皆得阿羅漢諸漏已盡無復煩惱心善解脫通達智慧如大龍王斷諸有結去除重擔所作已辦逮得己利心得自在

余時佛告尊者須菩提若有善男子善女人及諸聲聞緣覺愛樂修學無上菩提者汝等

之人於此般若波羅蜜經聽受讀誦分別演說速獲正覺須菩提此般若波羅蜜經具足方便通達一切諸佛菩薩甚深法藏應如是學如是修行須菩提若有菩薩摩訶薩於此般若波羅蜜經隨喜聽聞受持讀誦應如是學如是修行何以故此經廣說一切諸佛菩薩阿耨多羅三藐三菩提甚深法藏須菩提又此般若波羅蜜經所有聲聞法緣覺法菩薩法菩提分法及一切諸佛一切般若波羅蜜法聚集攝受平等如一

余時須菩提白佛言世尊云何所有聲聞法緣覺法菩薩法菩提分法及一切諸佛一切

兵九

五之

般若波羅蜜法聚集攝受平等如一佛告須菩提所有布施波羅蜜持戒波羅蜜忍辱波羅蜜精進波羅蜜禪定波羅蜜智慧波羅蜜內空外空內外空大空勝義空有爲空無爲空無變異空無相空自相空有際空無際空性空本性空無性空自性空無性自性空一切法空四念處四正斷四神足五根五力七覺支八聖道四聖諦四無色八解脫九分法空解脫門無相解脫門無願解脫門一切三摩地摶持門四智五通一切如來十力四無所畏大慈大悲十八不共法須陀洹果斯陀含果阿那含果阿羅漢果緣覺果菩薩一切道智如是一切善法一切般若波羅蜜悉皆聚集平等攝受如一無異

余時須菩提聞佛所說白世尊言今此經典聚集攝受一切善法一切般若波羅蜜多平等如一甚深微妙意趣深遠難解難知

佛言須菩提如是如是如汝所說須菩提若

有不種善根諸惡朋友鈍根懈怠無智愚癡少解少聞初學淺識及樂小乘智慧狹劣者於此般若波羅蜜經難解難入而不信受汝等當知

復次須菩提若有善男子善女人於此般若波羅蜜經隨喜聽受讀誦演說如持過去未來現在諸佛不久速成阿耨多羅三藐三菩提佛說是經已尊者須菩提及諸菩薩天人阿脩羅等聞佛所說皆大歡喜信受奉行

佛說五千頌聖般若波羅蜜經

兵九

最勝陀羅尼經

六末

癱瘓

上烏恭反

瘰瘻

累曆二音

疥癩

界賴二音

瘡

反淺風瘻

下音皇病也

滂

郎到反

瘞

上眉藥反

五十頌聖般若經

狹劣

上咸夾反